



SIARAN MEDIA

PENUBUHAN MAJLIS PERUNDINGAN KOMUNIKASI DAN MULTIMEDIA (MPKM)

PUTRAJAYA, 9 JUN 2020 - Kementerian Komunikasi dan Multimedia Malaysia (KKMM) telah menubuhkan Majlis Perundingan Komunikasi dan Multimedia (MPKM) sebagai satu platform bagi Kerajaan membincang dan mendapatkan input daripada semua pemegang taruh (*stakeholders*) dalam merencanakan pendekatan dan dasar bagi isu-isu komunikasi dan multimedia. Pendekatan MPKM ini juga turut melibatkan penyertaan dari masyarakat madani yang mempunyai peranan langsung ke atas pembangunan negara.

Majlis Perundingan Komunikasi dan Multimedia ini akan dipengerusikan oleh YB Menteri Komunikasi dan Multimedia Malaysia dan dianggotai oleh 15 ahli (senarai nama dilampirkan bersama) yang merangkumi pengurusan tertinggi KKMM, wakil-wakil dari masyarakat sivil, ahli akademik, badan pemikir, pakar sesuatu bidang, badan profesional, badan perniagaan dan sebagainya. Ahli-ahli MPKM yang dilantik adalah bersandarkan kepada pengalaman, kemahiran dan kepakaran ahli berkenaan selaras dengan fungsi utama KKMM.

Penubuhan MPKM adalah selari dengan maklumat KKMM ke arah memacu kecendekiaan (*intelligence*) dalam masyarakat. Ia juga seiring dengan visi kementerian, iaitu melahirkan masyarakat terhubung, berinformasi, kreatif dan berbudaya digital. Manakala segala undang-undang, dasar-dasar dan program-program kementerian adalah wahana untuk mencapai matlamat tersebut.

KKMM juga akan membuka peluang kepada semua anak muda warganegara Malaysia di seluruh dunia berumur di antara 18 hingga 30 tahun untuk menyumbangkan idea dan cadangan melalui program “**Ideas4KKMM**” bagi penambahbaikan Pelan Strategik KKMM 2019-2023. Program berbentuk pertandingan ini merupakan salah satu usaha Kementerian untuk menggalakkan sumbangan idea dalam kalangan masyarakat bagi meningkatkan sistem penyampaian Kementerian. 10 idea terbaik akan dipilih untuk hadiah istimewa dan dijemput ke sesi perbincangan khas bersama YB Menteri Komunikasi dan Multimedia Malaysia. Penyaluran idea boleh dikemukakan melalui laman sesawang KKMM <https://www.kkmm.gov.my/awam/ideas4kkmm>.

***Dikeluarkan oleh:
Unit Komunikasi Korporat
Kementerian Komunikasi dan Multimedia***

Untuk maklumat lanjut, sila hubungi talian Hotline KKMM di talian 03-89115351.

LAMPIRAN

SENARAI AHLI MAJLIS PERUNDINGAN KOMUNIKASI DAN MULTIMEDIA

1. YB Dato' Saifuddin Abdullah

Menteri

Kementerian Komunikasi dan Multimedia

2. YB Datuk Zahidi Zainul Abidin

Timbalan Menteri

Kementerian Komunikasi dan Multimedia

3. YBhg. Dato' Suriani bt Ahmad

Ketua Setiausaha

Kementerian Komunikasi dan Multimedia

4. YBhg. Dato' Professor Dr. Hj. Awang bin Sariyan

Pakar Bahasa

Pengerusi Lembaga Pengelola Dewan Bahasa dan Pustaka

5. Puan Chee Yoke Ling

Pengarah Program

Third World Network

6. Encik Danny Lee

Pengerusi PIKOM

7. Puan Kavita Mahendran

Naib Presiden MBM

8. Dato' Dr. Paul Selvarajah

Pengerusi Gabungan Persatuan-Persatuan Pengguna Malaysia (FOMCA)

9. YBhg. Tan Sri Dato' Sri Zamzamzairani bin Mohd Isa

Pengerusi UEM Sunrise

10. YBhg. Tan Sri Datuk Amar Haji Mohd Morshidi bin Hj. Abdul Ghani

Bekas SUK Negeri Sarawak

11. Profesor Emerita Datuk Dr. Mazlan Othman

Astrofizik, Perintis Dalam Bidang Sains Dan Teknologi Di Malaysia,
Ketua Pengasas Pengarah Agensi Angkasa Negara

12. Encik Mohd Razin Muhammad

Pembangunan Start Up

13. Encik Tany bin Kiob @ Anthony Kiob

CEO, Institute of Development Studies

14. Encik Eric Paulsen

Pengarah Undang-Undang Fortify Liberty,
Wakil Malaysia dalam Suruhanjaya Antara Kerajaan ASEAN
Mengenai Hak Asasi Manusia (AICHR)

15. YBhg. Tan Sri Johan Jaaffar

Tokoh Wartawan Negara 2019
Bekas pengerusi Dewan Bahasa dan Pustaka (DBP)